

ւերել հրամայե՛ր Պապ թագաւորն, եւ զկուսանսն հաւատացեալս տայր հրամանս ի խառնակութիւն պղծութեան:

6 Եւ յամենայն աւանս եր շինեալ նորին Ներսիսի եւ հիւանդանոցս, յամենայն կողմանց եւ ռոճիկս եւ դարմանս կարգեալս, եւ արս հաւատարիմս թողեալ տեսուչս հիւանդացն¹ եւ աղքատացն. նոյնպէս եւ այնոցիկ յանձն արարեալ որք երկիւղածքն էին յԱստուծոյ, որք դատաստանացն յաւիտենակաւացն եւ զալստեանն Քրիստոսի սպասեին: 7 Չվերակացունս հալածե՛ր թագաւորն յիւրաքանչիւր տեսչութենէ, եւ զտեղիսն ի բաց աւերե՛ր: 8 Չոր վերակացունս կարգեալ եր յաղագս չքաւորացն եւ աղքատաց տեսուչ, զնոսա ի բաց հալածե՛ր. եւ հրաման տայր ամենայն աշխարհի իշխանութեանն իւրոյ. Աղքատքն² բայց եթէ ի մոյր ելցեն. այլ անդր ոք ինչ մի՛ իշխեսցէ տանել, եթէ ոչ նոքա եկեսցեն ժտեսցեն աղաչեսցեն, ապա թէ գտանել հազիւ ինչ կարացեն: 9 Եւ զկարգս պտղոյն եւ զտասանորդացն՝ որ ի նախնեացն կարգեալ սովորութիւն եր տալ յեկեղեցին, վասն այնորիկ հաներ հրաման ընդ աշխարհ՝ զի մի՛ ոք տացե՛:

10 Եւ յաւուրսն Ներսիսի հայրապետի ոչ ոք իշխե՛ր ի նմանէ հանել կամ թողուլ զկին իւր զամուսին յամենայն երկիրն Յայոց. զոր միանգամ քաւորով կամ պսակաւ հարսանեացն աւրհնութեամբ առեալ եր. եւ ոչ այլ առնել միւսանգամ իշխե՛ր ոք համարձակել: 11 Եթէ յանկարծ մեռաներ ոք, ոչ ոք իշխե՛ր անյուսութեամբ արտաքոյ կարգի կանոնի եկեղեցւոյ լալ զմեռեալն. եւ ոչ կոծ ոք դներ կամ աշխարանս մեռելոյն, եւ ոչ ձայնս ոք արկաներ ի վերայ մեռելոյն յաւուրսն Ներսիսի. այլ լոկ արտասուաւք եւ ըստ արժանի սաղմոսիւք եւ աւրհնութեամբ, կանթեղաւք եւ մոմեղինաւք լուցելովք զմեռեալսն յուղարկելին: 12 Իսկ յետ մահուան նորա այնուիւհետեւ ամենայն մարդ առին հրամանս համարձակութեամբ ի թագաւորէն, թողուլ զկանայս զամուսինս իւրեանց. եր զի մի այր տասն կին փոխե՛ր. եւ առ հասարակ յանաւրէնութիւն դարձան միանգամայն: 13 Ապա յետ մահուան Ներսիսի յորժամ զմեռեալսն լային, փողովք եւ փանդաւք եւ վնաւք զկոծսն պարուցն կաքաւելով, զտիգսն հատեալս, զերեսս պատառեալս, արք եւ կանայք պղծութեամբ ճիւղաղութեամբ պարուք դէմ ընդդէմ հարկանելով⁴, եւ կամ ափս⁵ հարկանելով, զմեռեալսն յուղարկելին:

14 Իսկ յամեն Ներսիսի զաղքատս բնաւ ամենեւին ի մոյր ոչ տեսաներ ընդ ամենայն սահմանսն Յայոց. այլ անդէն ի հանգստեան նոցին, այս ինքն

1 *Օրինակ մի՛* հիւանդանոցացն

2 *Ի միում օրինակի՛* իւրոյ աղքատացն

3 *Ի միում օրինակի՛* հրամայե՛ր աշխարհի այլ ոչ տացեն զայն

4 *Թերեւս՝* կաքաւելով

5 *Ի չորս օրինակս՝* կամ ասիս